庫全書

子部

欽定四庫

通雅卷二十九

詳校官中書臣朱文翰

員外郎臣牛給文覆勘 枝對官中書臣高 總校官降調編修臣倉聖 脉

腾銀監生

剷

禮

火にり料を時 猶遺風也孔子修之 百篇皆樂也正調即雅樂也樂不過高下疾徐 五經無樂獨以樂記當之乎記曰誦詩三百 以教弟子取瑟及琴造次不報 舞泉春秋大夫賦詩諭志 百周禮太師以教國子内 明 方以智 撰 故 中

惟 晏子有繁放歌鼓舞以聚徒之幾子曰與于詩立于禮 成于樂六經遺三何哉蓋以書治政事春秋操是非易 知音六亡詩所謂笙詩東酒補之不亦看乎鄒肇敏曰 魏得漢雅樂郎杜獎僅能歌文王鹿鳴賜虞伐檀太和 樂亦藏矣小子何莫學夫訪而禮樂亦藏矣鄭夾祭曰 舞則詩禮樂最切而已藏見書春秋矣教經學詩禮而 窮神化若自成重庶士刻不相離而泯于日用薰陶鼓 存鹿鳴至晉又亡漢有齊唇詩毛注鄭箋皆言義不

南陔 雅矣管色均紋人聲依律唐之絕句皆入樂府理學歌 大清愈溺于淫靡之俗樂矣楊椒山告韓苑洛其縣也 夫元聲冒統也節奏樂器實事也聲之中節本自易簡 宋之泥説終已不復而學者無以節宣拘則疫循局則 丘即伐木由儀即菁莪亦一臆耳愚者曰雅樂拘于漢 五音三等不能違也較今俗樂側調低二字為正調 不過高下疾係錯綜而合節奏為調法耳十五字七調 即天保白華即損弁華泰即常根由庚即飢葉崇 即

人口面上上

吉 詩林布恩歌學譜止執一法是則三百篇不必旋十 金灰四月全書 侍截管候氣乎倫論天然不限古今惟神解者乃可與 益猶之人身兩乳之尺度各自為短長而不差者也必 觀其通祝敔所以節奏而不知其用又何言哉黄鍾 度也段灰緹素候十二月之中氣也不符寒暑消息者 日子短午長者表陰陽升降也以九寸損益者表數 非拘而何聲音之故微至之門律度出于河洛而未 卷二十九 損

戌為陽餘為陰而子至已又為陽方午至亥又為陰 鍾為九寸蔡氏新書因之老父曰下生倍其實三其法 覽以黄鍾三寸九分故含少論因之自史遷志律以黄 陰辰則居其衝其林南應三吕在陰方數無所改其大 即三分損一也四即三分益一也六陽辰當位自得 不 夾中三吕在陽方則用倍數蓋陰從陽也子寅辰午 上生四其實三其法不過陰位以倍陽位以四而已 可用也 黄帝使伶倫斷懈竹吹之為黄鍾之宫吕 倍 申 方

久三百巨 A.主

律日是候氣管名以候氣則陰陽升降也寒暑必漸 數之理非獨為管設也參天兩地其能外乎陳氏曰六 兩 十三萬一千四百四十一乃黄鐘之忽數也參分損益 為 故志以六陽下生六陰工生而鄭蔡以魏賓生大日 分寸審度之法遷以損益而 至 之四又符十八變文之數豈偶然哉西山曰鄭玄言 中吕生子為二十六萬二千一百四十四既適符律 上生正此故耳知戊數為黄鐘之絲則知範疇之五 假設權制也學者當知聲 E

金好四月全書

陽之降耳一百二十九分者黄三十九殺九十分之合 減氣出必冬至短夏至長故李文利主黄鍾三寸九分 能遇也紀陽不紀陰故于殺下六律不言陰之生但紀 鍾陽始也四十八分大吕五十七 分太族六十六分夾 含少之論以黄子殺午為經十律為緯三十九分者黄 四分無射四十五分應鍾子午天地之中左右升降 也八十一分林鐘七十二分夷則六十三分南吕五十 七十五分站洗八十四分仲吕九十分者凝賓陽極

次已日報 上馬

金万里屋有量 和脈也候氣說見班志埋管于密室三重之內實以良 則皆均攤派可也其言清濁原可互更猶內經脈與叔 律皆九也瞿九思畧更定之智按此猶先天圓圖也均 寸正月自太 族八寸達此臆也且問十月應鍾管四寸 夔制律吕候氣灰悉不飛沈括言冬至陽氣距地面九 灰言輕也覆以疑素紗蒙管口也王庸魏臺訪議曰杜 也几衝皆然旋則流行以三因之律皆三也以九因之 分半何以忽接十一月之九寸乎試令各地多截管 卷二十九

鍾九寸當其三寸九分開孔得聲為始史愚南云黄 驗之舊說必不合矣太史公曰細若氣微若聲聖人因 之度也辟如後天八卦 尚有先天八卦在王少夫曰黄 神而存之雖妙時必效總言其理耳其所列則損益數 尺殊要于至理各自為度如今之簫三倍于黄鍾 不為諸律役存中亦言十六聲不用老黃鍾是也今古 也 不為諸聲後此迁極矣五音在每調中皆迭相錯綜 智謂古定黃鍾猶均鍾木也猶梁之十二飲也故曰 即 鍾

火已日本心島

七始七音之始也 辟卦陽九陰六自合九寸 八音七始詠以出納五言女聽令本七始詠三字作在 今簫為九寸其孔亦自為度猶琴絃之度也一說十 金岁里月白雪 周有七音之律黄鍾林鍾太族為天地人之始始洗殺 夾始古七篆作泰泰與夾似故訛耳智按隋志鄭譯曰 升卷七始之詠謂宮商角徴羽變宮變徴也汗簡隸作 治怨安世詩と始華始注曰七者天地四時人之始也 漢律歷志書曰予欲聞六律五聲

とこうえ こよう 以均字為譜唯清之一字生自正官倍應聲同終歸 姑南去黄皆二律故姑復生應生殺而始均故樂元曰 姑而數三分餘一故止五環圖觀之各閒一律而林去 復以變官之律迴演清宫其變徵以變字為文其變宫 明均律选生二變方協七音乃以變徵之聲循環正徴 五均而鮑業曰旋官以七聲為均樂文章譜曰旋官以 賓南吕應鍾為春夏秋冬之始智當考之黄生林太南 雅樂成調無出七聲咸施十二均備八十四調約 通雅

岛定四月全書 官商角變徵羽均蔡氏均作関陳嘯養以等韻來日為 少商亦變均用七也五音統于宫而備于商人稱五音 半喉舌智謂亦變徵變官之幾驗也琴增二紋曰少宫 幾可推矣周禮三樂禮天地人無商者祭尚桑商尚剛 皆牵合蓋不用商而商通于徴即角徵羽 皆商也别有 邪唐楊收曰商聲剛二少聲下所以取其正裁其繁此 而曰宫商者猶稱平上去人而止曰平仄也商僕相通 清樂曰清商曲辭豈廢角宮徵羽哉明于律娶妻吕生 卷二十九

一年談然乃作大唐之歌招為賓客雅為主人始奏 韶之言紹也尚書大傳曰招樂與于大麓之野報事還 通名也 樂其紹堯之業九罄之樂周禮大司樂舞大磬樂記注 子之說者是又在易之十二辟卦圖矣究竟七音止用 五亦無定名詳見別論 招猶九奏也九奏一作九族雲翹雲招也招固樂之 夏納以孝成皆樂章名也又曰元祀代泰山貢雨伯 九磨即九韶也一作九招元命包曰舜之民

九三丁屋 二十

謡名曰初慮義伯之樂舞將陽其歌聲比大謡名曰朱 謡名曰歸來幽都弘山祀貢兩伯之樂馬冬伯之樂舞 歌聲比小話名曰答落和伯之樂舞玄鶴具歌聲比中 交霍山貢兩伯之樂馬夏伯之樂舞謾或其歌聲比中 陽儀伯之樂舞藝哉其歌聲比大話名曰南陽中祀大 之樂馬東嶽陽伯之樂舞林離其歌聲比余謡名曰哲 于秋祀柳敦華山貢兩伯之樂馬秋伯之樂舞蔡俶其 齊落歌曰縵縵並論八音四會貢正聲而九族具成此

金好四月百書

樂史記言禹與九招之樂周禮曰六代之樂黄帝曰雲 啓升後十年舞九韶山海經云夏后開得九辯九歌以 招六列之樂可見夏商之樂皆有招名九韶猶九奏也 舞教國子也墨子言湯循九韶吕覽亦曰湯有晨露九 門大卷堯曰大咸舜大聲禹大夏湯大獲周大武以樂 九韶名則少其二矣竹書曰夏后啓舞九韶帝王世紀 下始歌九招之聲于大穆之野禹命登扶氏為承夏之 文上下有脱群族與奏通大族音奏可證若分九奏當

火之日 上上

館送之宋開實中平衛南擇廣州內臣教坊習樂賜名 舜樂名前韶尚書大傳所引之名皆樂曲之别名也祈 故周禮别舜樂為大磬白虎通曰舜樂為簫韶說文曰 金グログノつ 簫部部雅照改雲韶部雖做古取名然要之韶實通名 曲為仙韶曲李固言傳節度西川以雲韶雅樂即臨阜 用六十七人不可罷注招與翹同則後志八佾舞雲翹 招雲翹皆韶也孔光傳奏諸族樂人兼雲招給祠南郊 之舞亦當讀作韶矣後來如陳以韶名樂唐太宗改法 卷二十九

文始舞嬌秦之五行舞也秦始皇二十六年更周舞 父作 圻 h 昭容猶古昭夏也牛弘曰昭容生于武徳舞禮容生于 **諫穆王申培説詩曰穆王西征七萃之士咸怨祭公謀** 年更名曰文始示不相襲也昭容樂禮容樂亦六年作 文始漢之招也 招即祈 圻招以風左傳作祈招招音韶 招 子貢詩傅小疋傳第二章有圻招祭公 漢文始五行舞本舜招樂也高祖六

大正日祖人山西

樂 金罗里尼台書 夏也乾豆工奏登歌不以樂器亂人聲猶古清廟之歌 廟樂迎神奏嘉至入廟奏永至為行步之節猶采齊肆 樂官但能紀鏗鏘鼓舞不能言其義叔孫通因之制宗 獻八佾舞與制氏不相遠漢志漢與有制氏世世在大 也再終下奏休成之樂皇帝就酒東箱坐定奏永安之 日五行魏文侯最好古孝文時得其樂人竇公獻其書 乃周官大宗伯之大司樂章武帝時河間獻王作樂記 卷二十九

火已日重心事 肆夏牲出入奏昭夏穆叔曰三夏天子所以享元侯也 夏杜子春曰祗讀如陔鼓之陔儀禮鄉飲酒鄉射正作 **遂管春牘應雅以教被樂注被夏之樂宿醉而出奏被** 與此不相蒙杜預云九夏之二曰肆夏一名樊三曰韶 **陔困學紀聞以南陔亦為被東哲之補迂矣被夏在九 陔即被械樂賓出奏也** 夏祗夏騖夏其三夏者大司樂出入奏王夏尸出入奏 夏之中鐘師掌金奏王夏肆夏昭夏納夏章夏齊夏族 笙師掌教敏等笙塤篇簫

凱 出 過渠天子所以享元侯所謂三夏日叔玉曰肆夏繁遏 **陪步齊梁之被也** 章又以執競為執億當時各有見本 **渠皆周頌也肆夏時邁也繁遏執傹也渠思文也觀元** 夏文王鹿鳴俱稱三謂其三章也國語曰金奏肆夏繁 夏一名遏四曰納夏一名渠擊鐘而奏此三夏曲又肆 所引韶夏即昭夏樊即繁也日叔玉又以繁遏為一 入皆奏曰惛步惛即陔字 齊有前後舞階步歌情志曰樂舞

火色印度 二 者也疏謂雜弄調和鐘師奏熊樂掌華鼓緩樂蓋作縵 周之緩樂也磬師祭祀奏緩樂注緩樂謂雅聲之和樂 管名曰安世樂蓋殿自有房中不盡指后妃之事周禮 房中之樂奏于堂上之房也 詠神靈及鑒享之意不及后妃正始之説 注與通志所說皆泥矣王粲所作登歌安世詩專以思 **緩樂雜樂也** 人高祖樂楚聲房中樂楚聲也惠二年令夏倭寬備蕭 哀帝罷樂府有緩樂鼓員十三人盖猶 通雅 周有房中樂至秦名壽

鳴承元氣二曲三年自作詩四篇一曰思齊皇姚二曰 岐伯者也宋志章帝元和二年宗廟樂故事食舉有鹿 和也 臣四曰短簫鏡歌軍樂也即周官之凱樂本之于黄帝 樂擊聲以和之學記曰不學操絕不能安弦是雜弄調 雍饗射六宗社稷之樂 三日黄門鼓吹天子以熊樂羣 口大 子樂典郊廟上陵殿諸食舉二曰周頌雅樂典辟 大予漢樂名因以名官 蔡邕禮樂志曰漢樂四品

金岁旦屋有書

時省遠期承元氣海淡淡三曲皆大子樂官掌之後漢 相合前共六曲以為宗廟食舉加宗廟重來上陵二曲 文王四曲皆古聲辭魏武平荆州獲雅樂郎杜變故始 大鈞魏樂也 依讖改大予之名 歷數二曲合七曲為殿中御飯食樂又大樂十三曲 合八曲為工陵食舉減承元氣一曲加惟天之命天之 六麒麟三曰竭肅雍四曰陟叱根陟叱根一本云涉叶 古樂之存者至魏猶有鹿鳴騙虞代檀 魏

火三日日 日十二

所嘆也 設軒縣及太和中左延年改變賜虞伐檀文王三曲 四 禮東廂雅樂常作者是也後又改三篇曰於赫曰巍巍 金岁日月台書 1 四會有琴筑無詩雅樂即郭瓊云青龍二年以長笛食 無歌詩孔光奏有齊楚巴鄉四會員章昭 洋洋以當鹿鳴騶虞文王而除古伐檀此鄭漁仲之 作聲節惟鹿鳴不改每正旦大會太尉奉璧君后行 會上壽曲也 杜佑曰漢故事上壽四會曲有鐘鼓 國 名 云 姚銚 魏初作 更

遂廢 謂之雲吹又曰其鼓吹陸則樓車水則樓船在庭則以 初録曰列于殿廷者名鼓吹列于行駕者名騎吹水行 用為上壽曲鹿鳴以下十二曲名食舉樂而四會之曲 舉第十二古大置酒曲代四會又易古詩名曰羽觴 鏌簴為樓米鷺臨高臺諸篇鼓吹也務成黄雀則騎吹 也水調河傳則雲吹也令樓船所吹名曰河調即水 有鼓吹有騎吹有雲吹其曰横吹鼓吹之一奏也 行 調 建

沙巴马拉 三

通雅

兰

横吹共七十五曲曲名有元麟合遇元咳大至遊漁陽 延年因之更造新曲二十八解乗與以為武樂後漢以 單搖等其長鳴中鳴一曲三聲則今之號通與大鳳篥 衛志鼓吹五部日鼓吹口羽葆日鏡吹曰大横吹曰小 給邊將萬人將軍得之智謂横吹本因長笛以名笛更 曰横吹塞樂也張騫入西域傳其法摩訶雅勒一曲李 也總謂之鼓吹吹去聲漢有鼓吹横吹諸曲古今樂錄 因箎生亦未必出于羌也或其曲調有自羌傳者唐儀

金りで万人でする

とこうえ 曲 水 **厭藥桃皮六種則横吹或始以笛名令云横吹曲則不** 為然云智見唐有大秦穆護天以天僧二千餘人今以 穆護然西曲也 **今興亡事填詞非豔詞比** 專為笛矣大昌曰宋有六州歌頭本鼓吹曲也多以古 名蓋西方之音如伊州曲梁州曲也墨莊漫録曰蘇 調 河傳同時皆隋開汴河時作其聲犯角至今部 1.4. 樂府有穆護沙升卷口隋朝曲也與 通雅 十四一 沙

也二者以代角與笳笳一作孫唐之横吹用角笛簫笳

金定四月全書 言為句而用側韻黃魯直云點南巴僰間審神者皆歌 陰和尚作穆護歌又地里風水家亦有穆護歌皆以六 道以為戲也智按兩説皆非沈寵綏論北調失之江以 牧護曲者其始起火祆穆護而蘇溪作歌正謂旁門 穆麓具畧云聽唱商人穆護四海五湖曾去因問穆護 南當留之河以北乃歷稽彼俗所傳大名之木奧兒彰 溪叢語曰劉夢得刺夔州有牧護詩以賽神唐樂府有 之名父老云蓋木瓠耳曲木狀如瓠擊之以節歌耳西

とこうえ 陳勒九康國會要通典所載如此志無扶南有天竹伐 **識樂二清商三西凉四扶南五高麗六龜兹七安國** 唐有十部樂有兩部樂有四部樂 神樂人奏以為水調皆可樂曲必無熟部為沙而升養 神起名後入教坊樂府文人取其名作歌野人歌以賽 徳之木斛沙陝右之陽闋三叠東平之木蘭花慢已莫 反謂沙訛為煞 可 得而問也智按木斛沙即穆馥沙始或以賽火衣之 1.4. 通维 唐仍隋九部樂 人

皆 服 **到**定匹庫全書 謂之雅樂惟郊廟元會冬至及冊命大禮則辨曲度章 晉鼓節鼓琴瑟筝筑竽笙簫笛篪埙鏡鐸撫拍春牘等 高昌收其樂付太常增為十部杜佑曰樂用鐘磬祝敔 以和為名開元又造械和豐和宣和共十五和清商伎 人并習巴渝舞天竹伎有銅毀羯鼓都曇鼓高麗伎有 有編鐘編磬獨紋琴擊琴瑟茶琵琶卧箜篌筑爭節鼓 而分始終之次祖孝孫吕方張文收等定為十二和 笙箔蕭篪方響跋膝皆二 卷二十九 一歌二人吹葉一人舞四

一次定四重 在事 鼓舞曲多用龜兹樂惟彈琴家猶傳楚漢舊聲及清調 瑟調察邕雜弄藝文志崔令欽教坊記一卷固其盛也 樂令壁記曰自周隋以來管紋雜曲數百多用西涼樂 有七宫七商七角七羽合二十八調而無徵調劉貺太 坐部伎幾瑾為太常主簿作坐立二部伎圖俗樂之調 鼓玄宗時分為二部堂下立奏曰立部伎堂下坐奏曰 有箜篌銅角琵琶五弦横笛蕭鳳葉答臘鼓腰雞婁羯

彈爭鳳首箜篌龜兹伎琵琶五弦設五方師子平高昌

收造十二和樂合四十八曲八十四調王朴曰唐初雖 十二和旋宫也 人縱觀聖壽樂武后所作行列成字章斗所獻亦如之 白クロークという 鍾 用之此隋唐雜用雅俗大略謹撮其縣于此 五方師子有十二人紅拂紅秣曰師子郎太平破陣樂 其譕樂張文收所作又分四部崔邠傳大閱四部樂都 有旋宫而用典與禮文相違庶孝孫是建隆實儼等 均變極七音則五鐘廢不擊曰啞鐘祖孝孫張文 旋官久喪漢章時鮑業請用累代黃

沙定四軍全事! 朴微下以鑄鐘成或疑其聲弇鬱遂不用臣請下王朴 律管元符吳雅劉几等言太常鐘樂凡三等曰王朴樂 初汽鎮與几同定樂鎮口必求真泰及詔賜資鎮曰 四分于是内出上黨羊頭山和泰累尺校律重造十二 日李照樂日胡瑗阮逸樂朴音太高照下一律胡阮比 西京銅望泉可校古法取王朴所定尺校之短于古尺 律以定中和之聲即用李照樂加四清聲而奏樂成 二順為十二安乾徳用雅樂登歌二舞是也和峴曰 通雅 北 此

姑洗無射三均側出諸調完善曰第一平調二清調 側 聲飲以聲相轉而合也 琴調察邕五弄楚辭四弄謂之九弄楊收曰琴通黄鐘 有飲聲隨其聲酌其清濁高一也鄭譯因琵琶九調以其 為通每通施三紋因以通聲轉推月以寫通聲飲蓋樂 調側出諸調也 捻琵琶粒柱相飲為七均 クロガノニー 几樂也臣何與馬元祐之樂乃鎮定也 唐志言瑟工傳楚漢舊聲及清調 梁武善鐘律自制四器名之

とこうしたこう 也馬少良琴譜三均以姑洗為中日 莊 **异樂府題解段安節樂府雜録元稹序樂府古題劉** 然樵亦終不能知樂也唐志有具就樂府古題要解 聲四百十九曲系遺聲崔豹以義説名吳兢以事解目 五十 系聲樂府以聲言樂也 瑟調四楚調五側調文選謝靈運樂府注三調清平側 郭茂倩皆有樂府集晁公武志取古今樂府分二 曲系風雅聲八十四曲系頌聲百二十曲系 通雅 鄭樵著紹與系聲樂府三百 次 别 郗

金好四月五十 鏡歌及蝴蝶行拂舞巾舞諸篇皆不可句讀聲詞合錄 門梅禹金古樂苑正依晁氏與左克明自芳樹石流諸 黄淡思估客樂也 聲追不誣哉李東陽樂府直是唐長短歌行若言入樂 其說或然六朝擬者作六朝詩唐擬者作唐詩崆峒 為相思之思引李延年横吹有黄覃子此非也智按齊 不 溟揣摩仿佛詩家籍此以自熟其風度耳必曰我知其 如填詞 樂府有黃淡思古今樂録但釋思 卷二十九 滄

鬱林布作淡黄袴舞此曲用十六人令黄淡思曲有曰 武帝作估容樂使撰實月被之管弦數乗龍舟遊江中 相 以紅越布為帆綠綵為帆縴鍮石為篙足篙榜者悉著 火記り屋を野。 躢凄秋發陽春智按孫愐收躝字剛乃躝訛耳襄陽白 靈之曲連臂蹦地以為節躝丑犯切踏地歌也揚雄賦 蹋歌蹋地為節也 江外何鬱拂龍舟廣州出象牙作帆橹緑系作幃繂 符合言廣州出者皆廣貨也 升卷引展夫人侍兒買佩蘭歌上 通维 十九

銅鞮一 摇身而歌因名踏摇娘唐間知微與突厥點啜連手蹋 萬歲樂于城下陳令英在城上曰尚書為我蹋歌李太 道 調屬七宫也 也會安林鍾宫世號道調道曲唐俗樂二十八調有道 西曲士女騎歌為隊衛亦踏也 白詩忍聞岸工踏歌聲是也踏蹋一 調林鍾宮也 蹋銅蹄劉賓客嘉話錄云路搖娘曲 唐高帝製道調自以李氏老子之後 字唐志又有葱嶺 73 蹋 地

金岁巴屋台電

人二丁百二十丁 過貞元初樂工康息倫寓其聲于琵琶奏于玉宸殿因 言蒲中逍遥樓上有霓裳譜 龜兹王與知音者大山間聽風水聲後翻入中國沈括 號玉宸宫調合諸樂則用黄鍾宫有深遍是大遍小遍 之遺王灼曰霓裳羽衣道調也今存瀛府獻仙音二曲 玉宸宫凉州曲也 和聲即纏聲也又有票唱有敦有掣有住 王建詩有風聲水聲之句永叔不解察像曰唐西域記 西凉獻樂其聲本宫調有大遍小 古樂府有

聲待節奏也演繁露曰即舊聲而加泛灔者名曰雲唱 令管紅之中 纏聲是其遺法補筆談又言有三聲曰敦 聲有辭連屬書之如曰質質質何何何之類皆和聲也 此正謂掣起聲耳水經注高漸離擊筑宋如意和之為 讀之如縣玉篇瞟字音飄引匪車瞟兮瞟嘿無節度也 羅順猶來羅也 肚聲哀聲 日掣曰住智以敦猶今之頓也掣言掣起高也住言停 雲溪友議曰元公贈採春曰選詞能

金好四月全書

卷二十九

唱堂夫歌即羅順之曲 也順音烘上聲金陵有羅順樓 次足四年 在 里 平 陽関四疊亦三疊也 **剄喇亦雕噴類** 女周德華羅順之歌不及其母晉庾指鎮歷陽人歌曰 乃陳後主所建宋以後俗曲有來羅之詞又言劉採春 曰余在客州有文勛長官云得古本陽関乃知唐本三 重羅黎重羅黎即來羅之聲也今京師以小曲數落為 唱而首句不疊若通一首又是四疊皆非是又志林 通雅 仇池筆記曰陽闋三疊每句皆 千

|疊可知古無不三疊者自唐以絕句入樂府第三第四 聲注第四聲衛君更盡一杯酒以此知之又按澠水熊 金り四月八三世 談曰歐公守滌僧智仙作亭沈遵以琴寫之為官聲三 疊偶得樂天對酒云相逢且莫推辭醉聽唱陽関第四 樂府有解有豔有趣有亂 土歌亦有作四者亦有用五旬者 疊安得口每句再疊乎然或各方變換未可知也如今 二句合為一疊此三疊 也至每句再唱此複聲乃名為 百今樂銀日倉歌以一 句

於完日華全售 · 囉嗵唵唵吽也智謂豔是引子宋元時詩餘令皆作 合之譜如彈紋作馬道人使三紋提琴合拍然後度曲 子趨與亂與送若今之尾聲羊優夷伊那何若今之哩 具聲西曲前有和後有送也升養以豔與和為今之引 大曲有點有超有亂點在曲前超與亂在曲之後亦猶 也趨者緊版所謂繁強激管也中或變謂之入破琴謂 子數版歌之一曰慢詞吳音之和正如今曲前先作和 為一解中國以一章為一解王僧虔曰古曰章今曰解 通雅

鹽 詳 曲 頓仁所言歌章色正謂慢詞 之入慢皆古亂之遺也尾聲亦必入慢而收但只一 酚胺皆引 月則不必矣引與角通又轉 為豔又轉為鹽 金り回りとう 句北曲有多句曰然尾與古曲後彷彿應不相遠升卷 日具趨趨去聲孫氏賦哀曼亦謂慢聲也客座贅語載 即曲之豔也 角即曲引 左 文選笛賦曲盾之繁會即曲引京山謂 丹鉛餘録曰鹽曲之别名也智按禮

昔昔鹽凡十韻唐趙嘏廣之為二十章按樂苑以為羽 費力又無別證則不知古鹽點之相通也龜兹樂太和 類容齊洪氏筆 銀口薛道衡空梁落熊泥之句其詩 初有米萬槌有小天疎勒鹽疎勒有昔昔鹽一臺鹽之 也唐宋以來直作鹽或以炎呼之蓋鹽既與豔通則豔 但歌此曲不定為曲前曲中直如九宫譜之所謂慢詞 亦有平聲矣京山謂鹽諸利為鹽之訛鹽與蠱通亦 曰鹽諸利與豔同謂如吟行曲引之類正是曲前之豔 自 曰

次日日本と

通雅

至

為黄帝炎按施肩吾詩云顛狂楚客歌成雲嫵媚吳娘 曲 唱是鹽更奏新聲刮骨鹽然則歌詩謂之鹽者如吟行 鹽白鴿鹽神雀鹽疎勒滿座鹽歸國鹽唐詩娟賴吳娘 説市鹽于紙角得一曲此 非也蓋仍從曲點得名猶云 謂之族鹽王灼碧雞雜志鹽角兒嘉祐雜志云梅里俞 笑是鹽蓋當時語也武學時民飲歐歌曲終而不盡者 引之類云今南岳廟獻神曲有黄帝鹽而長沙志載 曲玄怪録載遠除三娘工唱阿鵲鹽又有突殿鹽黄帝

五少口月八三世

豔之類不知為古曲前之豔唐之鹽而强改發段日如 鹽杖鼓耳元陶宗儀載樂府拴搖豔段如鞍子豔蠻子 Control Links 歌氣唯哨催攧衰破行中腔踏歌之類凡數十解每 摘遍猶今之滾遍 也大遍猶古之滿曲也 羽 火酸 易明而易滅也一何陋邪母乃借西擊東以雪鬱 有數疊者裁截用之則謂之摘遍令人大曲皆是裁用 鎮連 昌宫辭有逡巡大遍凉州徹所謂大遍者有序引 通班 千四 存中曰元 解

悉非大遍也王灼碧雞雜志言史及胜說云凉州有大 四孤好四孤擂服察酸温零員酸單兜雙搭諸名 新水爨孝經備衣爨瑶池爨早行孤迓行孤睡孤又有 彈令人以為全套周密宫禁典儀言樂部諸色段數有 律樂歌曰正月太蔟本宫黄鍾商俗名大石如萬年春 十二月按律樂歌即取諸唐俗樂二十八調中也 小遍非也大曲有二十四段管超家不肯從首至尾吹 之類二月夾鍾本官俗名中宮如玉街行三月姑洗本 桉

金 好四月全書

卷二十九

本宫夷則角俗名仙吕角如金門樂十二月大吕本宫 **毕九月無射本宫無射宫俗名黃鍾如飛龍引十月應** 官太族商俗名大石如賀聖朝四月仲吕本宫無射後 中管雙調如樂清朝六月林鍾本宫夾鍾角俗名中日 俗名黄鍾正徵如喜昇平五月幾賓本宫姑洗商俗名 鍾本宮姑洗徵俗名中吕正徵如龍池宴十一月黄鍾 永太平八月南吕本宫南吕宫俗名中管仙吕如鳳皇 角如慶皇都七月夷則本宫南吕商俗名中管商角如

たこりほとます

通雅

高 調 金岁也是有量 平調口仙日調口黄鐘口般涉調口高般涉是為上羽 歌指曰林鍾曰越是為七角曰中吕調曰正平調曰高 越調曰大食調曰高大食調曰雙調曰小食調曰歇指 大吕宫俗名高宫如風雲會唐俗樂二十八調曰 濁上則益清徐晏安書曰俗樂調有宫商角羽而無徵 唐樂志俗樂二十八調皆從濁至清迭更其聲下則益 口林鍾是為七商曰大食曰高大食曰雙曰小食 日 中吕曰道調曰南吕曰仙吕曰黄鍾是為七宫曰 ıE, 日 日

皆本諸此段安昌樂府雜録二十八調以平上去入紀 為熊樂一書證俗失以存古義今采其略附此黄鍾用 Ŋ 調徵在商之中也今九宫譜北曲十六調南曲十三調 旦即七商也曰沙識旦即上角也曰沙倭加濫旦即 遼史有四旦二十八調曰婆陀力旦即七宫也曰雞識 志周文時龜兹人言五旦之名以華言譯之旦即均 之但于末記之云商角同用而宫逐羽音此可推矣隋 也其聲几十日五凡工尺上一四六句合蔡元定當 火 也

たいりはんか

通雅

金万四月五十 賓林鍾不可以上下分中吕用上字裁賓用勾字林鍾 工字無射應鍾用凡字各以上下分為清濁其中呂樂 合字大吕太蔟用四字夾鍾姑洗用一字夷則南宫用 官五徵六羽七閏為角五聲之號與雅樂同惟變徵以 用尺字其黄鐘清用六字大吕太族夾鐘清各用五字 于十二律中陰陽易位故謂之變變官以七聲所不及 取律寸律數用字紀聲之略也一官二商三角四變為 而以下工緊別之緊五者夾鍾清聲俗樂以為宫此其

聲高下之略也聲由陽來陽生于子終于午熊樂以夾 取開餘之義故謂之関四變居官聲之對故為官俗樂 吕宫曰仙吕宫曰黄鍾宫皆生于黄鍾商聲上調曰大 略也官聲七韻曰正宫曰高宫曰中吕宫曰道宫曰南 **徴聲皆不收而獨用夾鍾為律本此其夾鍾收四聲之** 以関為正聲以閏加變故閏為角而實非正角此其七 鍾收四聲曰宫曰商曰羽曰閏閏為角其正角聲變聲 石調曰高大石調曰雙調曰小石調曰揭指調曰商調

次ピ四年六十

亍

1 五次四江八三十 聲二十八調之略也存中曰十二律并清宮四聲當有 生于南吕角聲七調曰大食調曰高大食角曰雙角曰 曰中吕調曰平正調曰南吕調曰仙吕調曰黄鍾調皆 十六聲今之熊樂止有十五聲蓋今樂高于古樂二律 曰越調皆生于太族羽靡七調曰般涉調曰高般涉調 吕太族之間下四字近太族高四字近夾鍾下一字近 以下故無正黄鎮聲只以合字當大日猶差高當在大 石角曰揭指角曰商角曰越角皆生于應鍾此其四

姑洗高一字近中吕上字近幾賓工字近林鍾尺字近 之子聲後人失之惟存四聲有四清商聲即半聲也王 黄鍾清高凡字為大吕清下五字為太族清高五字為 夷則上字近南吕高工字近無射六字近應鍾凡字為 五字音鳴即今簫管七調諸法也未子曰半律通典謂 伊尺字似扯六字音靈悠切凡字音似糊高凡字似泛 殺側殺寄殺元殺之類合字音似呵四字似思一字似 夾鍾清法雖如此然諸調殺聲不能盡歸本律故有偏

於包甲在1

冰有古今樂律通譜云令胡部樂乃古之清商遺音總 論之凡樂無五音即不成聲猶聲高下不備即不成歌 樂有歌歌有曲曲有調故宮調北云婆陀力調又名道 如今山坡羊曰商調山桃紅曰越調之例陳赐樂書曰 名 調又名雙調婆羅門曰帝釋聲也角調北名涉折調又 調婆雞門口阿修羅聲也商調北名大乞食調又名越 外國各有其五音也樂府之以清商名者調法之名也 阿謀調婆羅門口大辯天聲也做調北名多婆臘調

グログルろう言

次已日東小男 移風婆羅門曰梵天聲也變官調北名阿說調也金華 婆羅門曰那羅延天聲也羽調北名般涉調又名平調 謳已不古六代多具音北樂襲外國乃情平得樂存者 得其故樂部之國初後樂東平太常徐公遂典樂其義 文統曰太常樂本大晟之遺法也自汴蔡没而東嚴侯 玄鼎水又溢出是不久矣樂有古雅樂有俗部樂漢采 府遂頒其書律嘗私謂其弟子任宗堯曰樂律高北方 不能完矣崇寧之世魏漢律乃以蜀一點卒造大晟樂 通雅 千九

城而般涉即是般瞻華言羽聲隋人且以是為太蔟 樂家猶有大石小石大食般涉等調大石等國本在 金岁口百百言 管尚循唐未黎國之遗此非 矣教房色長張供曾製大樂玄機論七音六十律八十 什四世以為中外正聲蓋俗樂也至是沛國公鄭譯復 因龜茲人白蘇祇婆善琵琶而糊七調遂以制樂故今 易復也崔遵度作琴箋非止夏至之音也一自中而左 四調不脱白蘇之舊正行四十大曲常行小節四部 鄙俗雜行乎宜雅樂之未 西 絃 11

應鍾為變官殺賓為變徵淮南子曰姑洗生應鍾不比 所不備矣此紋所以均鍾而琴瑟所以不徹也通典以 具竹止十三聲高下借用金石以厚薄備十三聲則無 中兩頭分盡鼓雖擊邊聲亦中起八音匏土革木一聲 也尺絃具之文絃亦具之作易者天地之象也作琴者 泛有三馬右泛有三馬及其應也一必于四二必于五 三必于六馬苟盡法而考之乃有二十三徽馬是一氣 天地之聲也愚者曰大操皆自七徼起者中也聲起于

九三日祖 八十十

通雅

取濟助耳醫家有繆則左病則鎮右恐其意亦當然陸 變不得為調以其非正聲也所謂和繆者蓋以繆和之 金岁四月五十 並分平上去入四聲其徵音有其聲無其調八音之中 免土革木計用八百般樂器至周時改用宫商角徵羽 子淵曰通典八音之外又有三舜時用八音金石終竹 用製五音減樂器至五百般至唐又減樂器至三百般 于正音故為和應鍾生殺賓不比于正音故為繆按二 太宗朝三百般樂器内挑絲竹為成部用宫商角徵羽 卷二十九

宫大用白仁甫元曲擅長但大江以北漸染土語沈約 響也南曲則緩故難合耳若精論之皆可合也元美謂 最低藝苑卮言何元朗云北人之曲以九 官統之九宫 貫酸齊馬東雜王實甫関漢卿張可久喬夢符鄭徳輝 然今南歌皆可合竹但不以合緣以北曲促而弦宜連 然南歌或多與絲竹不協豈所謂土氣偏被邪智按不 之外别有道宫高平般涉三调道宫至低南亦有九宫 金聲最高竹革之聲次之匏音次之緣音又次之石音

次已日東 E島

通雅

手

乙耳 七而循環始均間處各一故以名記之猶勾股之記 典要而有典常也使渾渾然以即暖相視豈能定哉以 收之語非無入聲愚者曰大氐五音二變之名不得已 笛 正與律原合而謂諸名宜掃除之此不必也易不可為 而立者實則變動不拘也其生也以奇一而止五必 四聲遂闕其一余按北無入聲不始于元時而外國忍 列 推及聲原雖音有七而用則用五大經所言七調 上則尺上し 五六凡工 也尺生六六生 上上生凡 甲 加

金牙巴屋台電

清聲謂之寄聲半聲此則可高可低六字即有合字五 凡生乙乙生工工生五五生尺輕之重之如十六鐘加 此凡吹人皆能言之琴有七般宫商角徵羽少宫少商 為背工調閉上六則為子母調北調則微犯之名曰犯 字即有四字每一調則閉二字如閉凡上二字則為平 六尺二字則為弦索調閉五工則為凄涼調閉乙工則 調閉凡乙二字則為正調閉五尺二字則為梅華調


久已日日上日野 二

通雅

是也以二聲相合命之曰仙翁以和其調則七而用五

啸有正畢嘯法 能推原其理 則又變矣此須與解人言精蕭管者止能用其法而莫 不得已而名之曰由低而高曰宫商角徵羽至第二 日 外激日内激日含日藏日散日越日大沈日小 細分十三歲定五音者乃定格耳豈盡循環之妙哉 曰叱曰五太 曰五少内激大小沈終以足叱 則劉 啸法附 也 啸古有十五章權與正畢十二法 卷二十九 洮 調 日

火已口耳(1·15) 蘇門之音矣權與章第一流雲二溪谿虎三高蟬柳四 地十蘇門十一劉公命鬼十二阮氏逸韻十三正章十 空林夜鬼五巫峽猿六下鴻鵠七古木萬八龍吟九動 阮氏之逸韻矣先發五太五少沈激內外一十二法得 命鬼之聲備矣流雲之鱗輕十二間無約東不散越則 會余洪江見王少夫善購或以指入口能作諸聲 四畢章十五此見異苑及炙載子後人别刻之容有附 通雅 7-1



欽定四庫全書

通雅卷三十

員外郎臣斗稔文覆勘 詳校官中書臣朱文翰

總校官降調編修臣 倉聖脉 校對官中書臣高 腾録監生 間學朱

中

· 19 51 / 1.1.9 日覺回仲夏紀 服象為虐于東方周公以師逐 一先學勺後學象文武之 傳象箾南篇皆文王之 南子曰周樂大武三象 樂篇成王立商民反 方以智 撰

次也能氏曰勺籥也學舞篇之文舞則象乃武舞也周 作明矣周三舞詩曰以雅以南以籥不僭雅即萬舞也 作泉成王因先王之樂命曰騶虞按此則泉非周公創 酌篇告成大武也墨子三辨篇武王因先王之樂又自 汋繁露曰周公輔成王作汋樂以奉天又為酌以詩有 公修廣之豈詎如張楫之說乎楫說本日覽耳勺又為 公問羽數則合為一矣吕東菜亦合之公羊又説武王 公羊傳曰萬者何干舞也籥者何羽舞也左傳將萬馬

鱼厅四月石量

大三日日 山土 武宿夜猶夙夜也六成大武之節奏也 質漢儀曰正月旦天子幸徳陽殿臨軒作九賓徹樂舍利 從西來戲激水化比目魚作霧化成黃龍有兩倡女行 培詩説武大武一成之歌也齊二成也時邁三成也般 以萬人服天下殊不知夏小正萬入用篇公羊誤矣 舍利曼延皆獸名因以名舞漢之巴渝陽極舞也 于武宿夜注曲名止商郊士卒歌舞待旦猶夙夜也申 四成也勺五成桓六成也 通雅 禮記舞莫重

改漢巴渝舞曰昭武舞 者文類曰兩兩相當角力角技猶今跌打也通典文帝 謂巴飲也武帝增加之曰楊極舍利曼延皆獸名角觚 繩上切有不傾樂畢作魚龍曼延小黄門吹三通此所 多分口月分言 至章帝造鞞舞辟鐸舞傅玄代魏辭云振鐸鳴金樂録 新伎并陳鞞舞漢巴渝舞也唐志明之君漢鞞舞曲也 鐸中拂舞也 鐸號今天下故取以為名拂舞者沈約宋志云英 隋志牛弘請存與鐸中拂等四舞與

大足马后上五 盤鼓與以駢羅李善云般鼓之舞似舞人更选蹈之而 時項伯亦拔劍起舞非袖也說亦牽附鞞即小鼓巴渝 為舞節則鞞舞自是一 舞吳人思晉化其辭本云白符鳩是也中舞者公莫舞 猛健故象其舞吕覽曰帝嚳令人作鼙鼓之樂鞞舞當 不起自漢也古新成安樂宮幹曰盤鼓鐘聲張衡舞賦 既為曼延之總名何义為鞞舞之名邪高帝喜巴人之 也伏滔云項莊劍舞項伯舒長袖以行之傳為此舞當 舞非巴渝明矣鄭樵曰舞與歌 通雅

盤舞七盤舞也 始若然則漢章帝造鞞舞辭為誣也即樂苑所載吾咄 之歌曰晉世寧舞盃盤今京師猶有舞翠盤及打碟子 昭云七聲起長袖聲與盤通太康中手接盃盤而反覆 舞平子賦歷七聲而展躡王祭釋云七聲陳丁廣庭鮑 金灯で五 相應自六代之舞至于漢魏並不著辭舞之有解自晉 邪吾何嬰之辭又豈晉人所造乎 鞶舞漢曲至晉加之以杯謂之世寧

ノニー

大色印度 小 樂春屬半社渠借席烏夜啼謂之輕舞阿遼柘枝黃屬 劍器乃武舞之曲名健舞武舞也輕舞文舞也 有舞鶴賦玄宗有舞馬宋翔麟鳳苑廏有蹀馬俯仰騰 蹀馬馬舞也 碟馬魚龍之戲 躍皆合曲朝會用樂則兼奏之令之字舞興拂猶存無 有劍器曲用女妓而雄裝空手舞子美公孫大娘歌無 字涉劍可知矣徐文長載此崔令欽曰垂手羅回波 鶴舞馬舞竹書穆天子傅有之宋鮑的 通雅 通考

窟禮子即傀儡子唐戲之首舞也 動分口 接曲 綸使楊思齊造傀儡太宗怒削給陷凡夫曰今謂之提 按 秘計造木偶人運機關舞于門間樂家翻為戲具引歌 曲子後舞終曲回舞末羽調有柘枝詞商調有掘 智按上江曰提驅 有郭郎者髮正禿顏氏家訓言之今則為鮑老唐段 林大涓州達磨謂之健舞 謂舞曲也 四個量 夢筆録曰內宴時有足應拍草舞 起漢高平城陳平

郭郎也 Server for the form 相 之是也以此知漢稱舞子靈星漢稱城之狀也今太常 漢謂之舞子樂師城舞注城析五采繪今靈星舞子 枝舞曲也樂苑云二女子藏蓮花中花折而後見對舞 號郎中衣緑袍戴席帽赤面曰蘇郎中戲猶今之鮑老 **唐蘇郎中戲即蘇範戲** 顧温庭筠藍紙詩寫盡襄陽掘柘詞 郎亦謂之品子 舞人隋以品子為之號為二舞郎 通雅 後周士人蘇絕好酒落魄自

者均鐘木長七尺有弦繁之以均鐘者度鐘大小清濁 金分四月月十 冬至陽氣應則樂均清夏至陰氣應則樂均濁樂叶 也漢大子樂官有之後志冬夏至合八能之士聴樂均 有樂舞生 均調樂器也 跃口宣示古今樂録令臣作律準十三弦用七聲為 曰聖人承天以立均謂以中聲定律也顯德六年王 樂器 伶州鳩曰律所以立均出度也注均 卷三十 圖

言雅樂合十二器金之屬二曰轉鐘每鐘垂一箕溪曰 太族為商姑洗為角林鐘為徵南吕為羽應鐘為變官 KIND IST / IST 皆均之遺也勻均韵古通因作韻 裴賓為變徴一垂十九鐘十二垂二百二十八鐘八十 雅樂器之增損傅失之也 二十年晏子曰七音服子慎注云黄鐘之均黄鐘為宫 四律晉孫登撫一弦琴唐清商伎有獨弦琴智以為此 通雅 隋志大業元年柳顧言等

均均有七調聲有十二均合八十四調後魏志春秋的

金分四月月十 唐志以綠第五以頌瑟為筝叉有阮咸竹之屬三曰簫 石之屬一曰磬唐志分為三曰大磬編磬歌磬絲之屬 編鐘十六垂于一箕溪唐志又有歌鐘為鏡為鐲為鐸 作唐志竹第八有管有舂牘匏之屬二曰笙曰竽笙有 十六管長尺曰箎長尺四寸八孔曰笛凡十二孔邱仲 十九管等三十六管唐志匏第七有巢有和土之屬 四曰琴曰瑟曰筑十二弦曰筝十三弦秦聲家恬所作 曰埙六孔唐志第三有嘂嘂大燻也革之屬五曰建鼓

靈鼓靈鼗八面雷鼓雷鼗六面路鼓路鼗四面又有節 欠と日本と 擊州輔相于樂筝之入雅樂由不知和琴瑟也唐常 鼓唐志革第四有縣鼓有科有相木之屬二曰祝曰致 **篪員注篪七孔廣雅云八孔笛有七孔以應七聲風俗** 以御樂止樂唐志木第六有椎有應智按漢己樵用隋 五弦琵琶亦入此乎别分北部可耳前志孔光奏主調 用祝敔也樂記注相即科以章為之裝之以糠疏 日加如鏡鐲自是軍樂今庭樂用小鏡欽即樂以 道雅 曰

多少儿 皆鼓名枘音脣節鼓即今之杖鼓版也舂贖笙師注以 通亦然三禮圖則曰六孔笛滌也令之簫則六孔所 竹大五六寸長七尺短者一二尺其端有兩空髹畫以 洞 師 口大三圍長五尺六寸以羊革鞔之有两組疏畫此笙 两手築地應長六尺五寸其中有椎雅狀如漆篇而弇 簫無底簫也今之管七孔短于簫師古曰剛及别 本以教被樂械樂不用祝致故用春贖築地以節樂 似今之魚鼓通典節鼓狀如博局中開圓孔適容其 謂

漆桶方二尺四寸深一尺八寸中有椎柄連底挏之敌 循白虎通其說皆然唐六典協律郎舉麾鼓祝而樂作 如伏虎背上有二十七组鋙刻以木長一尺樂之擊机 而究不知正者不少矣祝敔之用其一 之椎名為止戛敌之木名為蘇其用之也樂之初擊权 鼓擊以卸樂 三聲以作之樂之末夏敌三聲以止之自馬融鄭立李 合止机致卸也 智常作論曰事有數千年相襲以訛 一也郭璞云机

馬節之謂也吾觀時樂得之矣時之度曲可以使人人 始合止為終止也合止者合而止之一字一轉或數止 敌之聲猶是也伶州鳩曰革木一聲木音直非若金石 之用果此六聲而已邪總因尚書合止祝敔誤解合為 偃麾戛敌而後止遺法舉羽或提燈籠是已然則祝敔 之雖舒革之闛幹絲竹之嘹亮綿長可悦也不過桐樂 一聲魚皆以木為之取其音清裂不為泉樂所掩夫机 律者版為之也版有眼故如節馬十番之奏一聲版

準 大正日日 一十十二 静遠緩細為高無復版眼則竟可隨意短長是馬能與 轉聲以意長短不合拍按豈可聴乎琴與瑟合遂與六 補之琴瑟設而不作亦以不知版眼也琴曲中有入慢 琴六瑟合遂與衆樂合皆恃拍按之節以一之若專以 所為大襯小襯也祝敌不得其用今乃用銅鈸杖鼓以 則有趨可知矣今之單彈琴者猶度清曲也使其引喉 相擊若然而止正如版魚用為節奏曲之遲疾視此為 雅相之聲近乎拉城悄然以輔祝敌之間此度曲之 通雅

金万四月石章 合止明矣春官教春順如祝小春謂之應以應大春所 **聚合邪人之用聲聲有常止止以更氣止以言乎齊也** 日金石鐘磬也而變為方響絲竹琴簫也而變為筝笛 徴平贵與亦疑之而不敢決耳 机敌之後胡以代扑唐名樂句宋以檀若桑為之非明 倡义節又云牘以應柷則柷非三聲而畢可知也房庶 鐘編鐘也 机敌也而貫之為版馬貴與亦編九拍版六拍版于 王褒頌曰伯牙操遞鐘即編鐘也隋盧

賣曰周武克段得熟火天腳之應其音用七漢加應鐘 曲亦十六調可證也編落亦如之編鐘磨外別有歌鐘 士設編鐘以應陽也乙丁辛癸布編罄以應隂也陳 美玉名元祐編磬特磨是其遺也徐景安樂書甲丙庚 故十六枚而在一 玉磬商頌依我罄聲罄亦玉罄也郊祀歌琴罄金鼓 くこうえ 不能盡用存十二律加四清聲合為十六令宮譜 泥八音加倍非也智按十二律正倍合二十四聲後 2.15 一蕨鄭玄注周禮以二八為十六廣諸 通雅

艮巽坤之位合二十四架象節氣也祝在寅敔在戌當 並通用大晟樂書應天得六鐘 家具帶回並鐘因 嗣 **證鐘篆有望者也** 周 亥子丑之左右其次歌鐘以節登歌之句者曰歌磬即 六望取名耳 轉鐘自子至亥各當其位以應律節聲也建鼓配氧 乳象間之枚也 禮頌磬也 考工記舞上謂之角篆閒謂之枚 博古圖有宋公輕鐘銘報字與 頊

釞定四库全律

卷三十

追蠡追處剥落也 大元司百一人·· 直角面各三十乳乳各為聲 乳鐘字照回鐘之有乳以節餘聲陸氏回乳取于養也 幹而附會也洞天清録曰令人以器物用久而剥落者 枚謂之景即今之鐘乳也今乳使舞閒每處有九面三 似之南京方山定林寺有乳鐘凡百二十乳亦四面分 十六漢法一帶有九智以為蓋四面也博古圖有周輔 乳以養口鐘乳以養耳皆養也石名鐘乳亦以其垂 趙岐以追為鐘紐止因旋蟲謂之 通雅

作 未 家滴粉令隆起謂之堆粉金銀犀玉之工皆謂堆起為 為蠢蓋古銅器款文追起者剥落漫滅也追與难通畫 若是追起者筆垂譏紐絕是矣然以為槌繫之追殊所 牧泛琴聲也斷紋蛇腹當作蛇 頂裝詩追琢其章正謂頂裝作法也如鐘之旋帶家枚 升卷曰微亦逕作緯志林曰松中散琴賦云開遼 安 主暉分律以配臣有用鳌暉者即琴薇也九 鲋 樂書曰弦合聲 歎用 彈

動分口

四人首

威琴又言趙彦安得一斷紋琴真她對也中題云霧中 **聲輕非絲重非木也喧啾百鳥羣忽見孤鳳凰為泛聲** National Lister 音痺弦長故微鳴所謂痺者猶今俗云牧聲也牧音鮮 也雷威唐大歷中西蜀人善製琴姚令威曰先公有雷 中寄指聲也胡元瑞曰琴譜有疊蠲謂二指後先齊下 也五臣皆不曉妄注吳曾引晁无咎云浮雲柳絮為泛 出羯鼓録兩弦之間遠則有牧故曰間遠弦鳴云者今)所謂泛聲也弦虚而不按乃可按故云弦長而微鳴 通雅

崇禎中命造琴五百張其式各種文華殿中書文震亨 曹昭曰唐時雷文張越二家善製琴龍池鳳沿間有致 言此 靈開渠雅州之靈開山材也 餘處悉窪令關聲而不散姚作雷威文威一聲之訛也 莊子曰吾待蛇蝌蜩異邪注蚹蛇腹下龃龉可以行 三山今人重梅花断牛毛斷蛇腹斷蛇腹當作蛇蚧 部新書裝說在草皋

鱼为四月五十十

山後得蜀郡草堂閒話云雷氏斷琴多在城眉無為霧

Ξ

琴曰萬首曰白民伊防琴曰國阿周宣王琴曰嚮風銘 聲出兩池其背微隆使之隘而聲徘徊也智疑是八日 合說郭載東坡為陳季常稱書琴事有此條至虞汝明 幕取靈開山桐為琴謂之靈開渠東坡藏琴有銘云開 曰情有耳伏鬼在是祝牧琴曰太古楚王子無虧撫琴 柏皇為琴曰丹維曰祖床帝俊琴曰電母俊之子晏龍 所記古琴疏皆後人造名也伏羲嬰硜貢梓帝命下相 元十年造雅州靈開材其下池銘曰雷家記八曰合蓋

A SEL DE LO SEL

さ

轉聲之處南海陳喬生曾刻其略今不見有此書崔遵 身分三斷各七音而七弦十三歲又細分宫商角徵羽 黑搗達之子仲若琴曰雖飲兄勃琴曰應谷柳文暢琴 會山海經以後為舜後之子晏龍宣商均之别名乎中 為洞庭木秋之歌琴曰青翻崔駰琴曰卧冰戴達琴曰 與書目有琴經 曰春風擒漢家用之義之嬰啞貢梓舜之電母恐是附 所得琴經言十三藏中音為主在七截两頭各六琴 養諸葛亮撰此偽必矣余當見楊大

火色日日 小山 覽本作瞽叟两山墨談曰集韻泰有父子争瑟者各入 泉上帝玉磬之音以致獸舞鼓棂乃拌五弦之琴作為 度琴箋亦言其端矣大經教人先唱琴如學簫先唱五 瑟益之八弦為二十三弦之瑟乃令質修九招六列六 英以明帝德禄或作機拌一作析楊升養引之智按日 六工之例故易得節奏方與諸樂器合王伯厚引吕覽 曰堯命質為樂乃以麋輅置缶而鼓之乃拊石擊石以 五弦之瑟命曰大章舜立鼓棂延乃拌鼓棂之所為 通雅 中四

爭而引此非矣瞽者皆可稱叟安知即舜父乎 金月日居白電 弦之瑟帝舜立仰延乃拌**瞽叟之所為瑟為二十三**弦 羅紋如銀屑堅豈琴材是未曾見琴其銘亦未盡見也 琴首更紋者曰臨岳焦尾曰龍齦 琴銘十字奇古冰小象惟見於此沈存中言南溟伽陀 王楊或別見本宜叟作俊叟又因腱訛邪若謂父子相 其半故名筝吕氏古樂紀曰瞽叟拌五弦之琴為十五 今銘曰以為臨岳等昔孫綽云回風臨岳刈飾流離成 董彦遠回李陽冰

とこのは たるの 筝 若夷善琴樂府穕録曰賀若夷令人琴而自以瑟合义 賀若瑟曲也 應通期數四分用三以排機 名因以名玉因以名琴之首其尾曰龍齦龍齦至臨岳 名臨岳琴必以堅木籍ն欲其不刻入也臨岳本山神 公綏亦曰臨岳則齊州之丹林顏黄門曰琴首更弦者 瑟五十弦乃爾雅之灑也二十五弦為瑟十三弦為 程泰之曰瑟中有賀若乃唐文宗時質 通雅

多分口 剛 曰騎鼓也大司馬有執提注馬上有曲木置鼓鬚上故 力役古通作皋暴緩也以載鼓鼓軍事八尺而兩面或 鼓即鼓謂綱之也在前曰朔擊後應曰應擊騎鼓也 執以應之所謂應擊也司馬法曰聲聲不過關說文 靴擊小鼓又作戰興中軍執以令鼓所謂朔擊也依 **鞧古通作貢扶云切斃有柄兩耳鼓也猶以節樂又** 周 提漢國簿有剛鼓孔光何武奏剛别科員晉作桐 禮以擊鼓鼓役事長丈有二尺長則聲緩故以節 月全書 巷三

次足四華全書 · 估直見其制乃紙布裱成者以無此大皮也塗金鏤環 八枚六枚也智按此乃康成之説若作一鼓而八出為 司禮計費千餘金亦破冒耳陳祥道言八面六面猶言 兩桴擊之其節奏名得勝鼓令士大夫家用之不過二 使人綱之也今時有金鼓有稽如襦以系掛於後項手 鼓唐作掆鼓夾金鉦皆十二南史與不得重掆掆鼓大 角樓上鼓乃御朝時發敗者偶一面壞宗伯工部 面然南都始用也置唐之中鳴小鼓羽係鼓乎又午 通雅 十六

鈴經十萬兵以上大角二十四具大鼓六十四面日沒 為發的雖周禮曰軍旅夜鼓繁發擂以三百六十為 法曰唇四通鼓為大藝商夜半三通為晨戒旦明五通 楚嚴即今之發播也大鏊晨戒發的皆嚴鼓也 面直可噴飯而韓苑洛志樂猶主其説而圖之迁哉 十三槌為一通鼓音止角音動吹十二聲為一疊虎 衛公兵法軍城及行軍在外日出沒時鼓手撾三百 刻光吹小角次吹大角一 會十六聲三會四十 司馬

金ダログとう

聲為 大江日南上西西 景陽樓鐘令墉城鐘皆以記漏南史齊高帝改用鐵磬 葵鼓樂志差嚴鼓員一 郭青螺曰即今之發擂耳演繁露曰五夜分二十五點 更其時禁門開而百官入所謂六更也如方外之攢點 來已六更不知其解宋內五更絕梆鼓遍作謂之蝦蟆 張衡賦用楚嚴周遵道粉隱紀談曰楊誠齊詩天上歸 九聲中嚴鼓之節駕将出奏中嚴亦曰一 由發鉦一百五十聲磨馬周請置六街鼓號勢 人因中嚴而傳嚴鼓元帝擿銅 通雅 嚴再嚴三嚴 ナ

龜 羯 鼓官司通曰寺師古曰植鼓也建木而旁縣鼓也城上 金りひ 泖 記點也 **當稱羯鼓八音之領袖蓋本兩杖鼓其曰谷雕鼓** 鼓謂之建鼓亦曰縣鼓 鼓两杖鼓各有異名 兹鼓也毛員鼓則天竺伎 謡口梁下有縣鼓 追 一父老能之有大合蟬 る事 卷 Ξ 玄宗好羯鼓而寧王善吹笛 也筆談曰羯鼓曲今唯 滴滴泉唐之杖鼓曰两杖 何並傳王林卿剥寺門建 有 則

Example Links 笛曲是也今時杖鼓當時只是打拍鮮有專門獨奏之 漁 妙古曲悉皆散亡項年王師南征得黄帝炎一曲於交 震第二鼓也明皇宋開府皆善此鼓其曲多獨奏如鼓 鼓者两頭皆用杖令之杖鼓 趾 拍鼓呼杖鼓者異今時杖鼓版專以觀節 大樂之鼓無繁滚但用一椎此用二椎故曰两杖鼓與 陽參号也 乃杖鼓曲也炎或作鹽令杖鼓譜中有炎杖聲或曰 徒擊鼓謂之等禰衡未易服一 通雅 頭以手拊之則唐之漢 一鼓既易

是曾山花竟挑小碧於頭上掌下須有朋肯之聲朋去 書注引王僧孺詩散度廣陵音參寫漁陽曲博南搀去 伏舞勢曰餘姚鼓乃漁陽之訛也參上聲今作摻檛徐 朋肯手拍鼓聲也 服又一鼓徐文長言餘姚人及董堯章並能此調有倚 引古歌辭遷城晏開漁陽據黃塵蕭蕭白日暗又漢 據此乃是漢震第二鼓也且踩用石末花藝固是 宋璟善鼓當曰不是青州石末即

金月日月白十二

婁鼓之上都曇答臘之下世謂兩杖鼓繇用山桑捲用 KIND TOTAL STATE OF 鼓録羯鼓承牙牀以兩杖擊之明列合太簇一均在雞 漸得二杖為尤物李琬知邪婆色雞以掘柘急偏解 銅鐵杖用黃檀狗骨花楸曹王皋得二捲為至寶杜鴻 鼓掌下朋肯聲是以手拍非羯鼓也又謂頭如青山峰 打斷宋街市鼓曲也一名太平鼓 邪婆色雞鼓曲也 如白雨點此羯鼓之能事也璟孫況亦知音律 李琬聽樂工擊此知之出韓卓 通雅 吳曾曰崇寧大 九九

無笛 間 鈴余當以鐸鈺鏡獨形皆如小鐘有舌而雖為當用 也 以來內外街市鼓笛拍 羅羯鼓皆外國器而中國用之延與雖近故用 ·達鼓今北京雕正小兒皆以綿裹枹擊鐵環太平鼓 改名太平鼓又曰通 唐韵七歌有鑼乃云鈔鑼器 古常以解嚴叩鈺令無其制説文曰鈺鏡也鏡 拍 版名曰打斷至政和初禁之民 同 部鼓江古心宣政俱録言臻 也意古必有此形 相 代 如

金少口匠

诗 致路越 K ALD LOL KI Show 到處有之聲聞十里其形平面而中漚起擊漚起處每 銅 曰 其音原出西域置音常式切雲麓漫抄曰令人呼洗為 二架有雌雄令雅樂教坊樂隊舞皆不用此不知唐 公失注那俗間用嚴策之樂皆用銅鼓以間之馬援 鑼自後魏宣武以後好北音胡置羯鼓銅鈸打沙鑼 鉦 用 如大銅疊南蠻之器也劉淵曰鈔鑼銅器樂書有 否馬貴與曰鼓吹鉦即說文錚形圓如銅鑼宋志 '銅鼓鑄為銅馬唐時有銅鼓入貢令雲貴兩學 逆雅 干

多分四月分章 沙鑼又曰厮鑼近代賜契丹西夏使人皆用此語究其 鲖 飯 以擊鑼為節鑼東南方亦有言之者節沙音相近節 面盆也 軍行不暇持洗以鑼代之智以此說附會蓋中原人 取其便耳宋志駕前皆棒厮鑼元志作水確斷 厮又小轉也書傳曰養馬者為厮所執之鑼為洗曰 鑼以鑼為洗正如秦漢用刁斗可以警夜又可以坎 記亦言酒器沙鑼水盆以金銀為之即如今之 鑼 南

大足日日 上上 聲也珮聲弦聲皆稱之又作丁當者蓋東當二音古通 南齊移士素所造其圓數寸大者出於扶南髙昌疎勒 屬曰丁寧本此莊子真冷禹曰之真冷即丁寧也丁東 猶鐵馬名曰丁當玉珮亦曰丁當或作叮噹或曰語叮 用也詩小東大東叶可以履霜空亦如匡可証 銅鈸令之鐃鈸也 丁寧鉦也讀如丁令因作叮嚀通為真冷丁東一作丁 丁寧本口語丁寧故作叮嚀以是名鉦取其聲也 廣韵但言鈴鈸不知其詳銅鈸乃 通雅 十二

管從篇中抽出吹之晉即有鳴該該即笳應的鹵簿 書有之唐燕樂山有 多少口 時之號通也口圓而長如竹第一尺五寸又有小柄 馬承禎製玄真道曲大羅天曲有鏡鈸蓋其小者今亦 國其圓數尺隱起如浮温以韋貫之相擊以和樂 即笳唐之銅角是其遺也 以節樂或謂之草子或謂之鋪欽 執統統即笳或謂其始 銅鈸相和之樂銅鈸謂之 似該管後以銅作大 仗有大鼓長鳴長鳴 銅盤 司 圖

即 屰 人民日日 二十一月 樂作鳴之與鼓相和淳因作孽周禮鼓人以金孽和鼓 将于淳于之類也 角 桓玄製龍角所謂銅角也令俗云喇叭鎖哪直口曰號 在此縣因以為氏其實本樂器名圓如確頭大上小 轗 此南齊始與王鑑傳有什邡人段祖以淳于獻鑑 不知何所本 門吹角十二疊是也令制有畫角在前又有大 銅角胡儼言曹子建製角曰為君難為臣難難 北海郡有淳于縣春秋淳于公國 通雅 千二 髙 銅

金岁口四百十 一音敦于 三尺六寸六分圍二尺四寸後周自蜀得之斜斯徴 此錞于也依干實周禮注以芒简捋之其聲極振周禮 琵琶本借枇杷轉為聲姿或作擘配桅配一名國腹 周有将于其錞于之類乎形似五金以溪縣之宋時號 以錞于丁寧做其民也吳語鳴鐘鼓丁寧錞于五代後 上古鐘董道以為淳于故考擊不受而無攤隧也當 曰錞于之名出于漢大予樂官按晉語趙宣子曰戰 曰

大きり日本 說文止有礼把字借當樂器遂作琵琶一名聲婆即琵 **廉歌曰一十四弦暗一抹蓋秦與琵琶合奏也王元美** 者在竟改唐人詩字也字有俗而通者琵琶是也又安 琶聲之轉也趙凡夫以為當用擘配又作粮配其可笑 琵琶有小大忽雷按南部新書曰韓晉公入蜀伐奇樹 而鼓之武夷山記國腹即琵琶元有白翎雀大曲張思 云漢送鳥孫公主起杜擊以為秦長城之後百姓弦靴 知非説文之漏失乎推手曰琵卻手曰琶傅玄琵琶序

曲 邪琵亦音學客齊引樂天忽聞水上琵琶聲為證古詩 何拘邪紀事載宣宗吊白居易律詩云童子解吟長恨 曰大忽雷小曰小忽雷後獻德皇晦伯編入琴類已非 成形象鳳尾曰鳳簫爾雅所謂言也後加作等筒乃單 洞簫本是筒簫 一級如紫石正曰為胡琴槽他木不可並遂為二琴大 塞兒能唱琵琶篇此知唐人有擘琶之音 元美以為琵琶或後凡樂器之有槽軫者皆借稱之 說文筒通簫也徒弄切簫本編排而

竹 唐賀懷智琵琶譜 唐之管色猶古之鐘均也 為冷既以冷為官故别作伶 冷 詩簡分衛之賢者仕于冷官鄭玄曰冷官樂官鍾儀曰 冷簫冷人以簫合詠也 三景王鑄無射冷州鳩非之冷氏掌樂官周語曰冷 故曰通簫後乃通作洞簫王子淵作洞簫賦 人也因黄帝使冷倫取竹為古樂師故後世號樂官 冊其序曰琵琶八十四調內黄鐘 通性 魯語曰冷簫詠歌乃鹿鳴之 古有 弦之均以均聚聲 千四

琴須先用管色合字定官乃以宫弦下生徴徴弦生商 BP 太族林鐘宫聲弦中彈不出須管色定弦餘八十 上下相生終於少商凡下生者隔二弦上生者隔 我磨聲是也今之彈三弦者初亦使人吹簫定調散 取之凡弦聲皆當如此古人仍須以金石為準商頌依 以此三調為準管色循均聲以為相合之準今之 **強以合簫中伊字然後定軫可以合和合字音近** 詞隱所云輪過萬歲則其字頭低出之聲簫管合和 弦 調

欽定四庫全書

當笛者餘器多裁聚題以成音此笛但裁一題五音皆 樂之管為邁故潘岳笙賦云修邁內辟餘蕭外透裁以 笛邁非馬策也 馬融笛賦裁以當邁李善注邁馬策 抄西溪叢語云當作絕不當作為智按適過音義皆同 也裁街以當馬邁便易持夢溪筆談曰邁管也古人謂 因有方言而後造此字馬鞭名之笛管亦名之何碍乎 具不假繁猥所以便而易持也升淹引此元瑞譏其全| 不著曰拏曰賣正所謂合曲也

A COD LOL A. duro

道雅

孟

音律故本四孔加以一君明所加孔後出是謂商聲 掌教羌笛融所賦長笛空洞無底則其上孔五孔 多岁巴尼白雪 其背正似今之尺八李善注七孔長一尺四寸此乃今 必欲改檛字以别又可笑矣有雅笛有羌笛周禮笙師 音畢沈約宋書亦云京房備其五音周禮笙師注杜子 之横笛太常鼓吹部中之横吹也融賦曰易京君明識 春云箋乃今時所吹五空竹箋令三禮圖正橫設而有 五孔此雅笛也後乃增為六又增為七 出

火を日日 日野 **吱而已矣北魏圍南陽吹屑沸地即口吹船也** 吹脣即所謂點也 **勉屬總言笙簧分言之則多管曰簧** 為之令人以口作聲曰叫亦謂之肉笛莊子吹劍首者 墨莊漫録引連昌宫詞李養曆笛傍宫牆曆見玉篇指 擫鏑 按于笛曰曆智謂曆乃摩訛而張子賢以為奇那 順稅早送枘音女立切振鳥協切摘即捻五臣作歷 作摩托手執之狀也 **嘂即叫字集韵又作嘄県或以土** 通雅 王褒洞簫賦挹抐橛摘 笙等果和簧旨 卖 抡

葉為簧漢武內傳鼓震靈之簧神仙傳有五舌竹簧宋 匏有巢有和此取爾雅之名馮嗣宗疑月令仲夏調笙 金岁世月月十二 時民間有鐵葉簧智以仙傳小說不可據大約合言則 等苞簧並言四事或簧别是一器那朱子則以匏中金 匏中管曰簧分言則多管是簧耳笆即篪 匏屬而隋志樂匏止有笙十九管竽三十六管唐志二 說也沈約宋書控猴官引第一商引第二即管篌也風 控採即空侯 升卷樂書云師延為空國之侯所製臆

大色四年之時 图 大泥 樂府執紅牙以即曲牙版也 **即韓文曰樂白研北稱志曰趙氏獨子固不仕元醉歌** 拍版今版之始也 音块以侯姓名坎侯集韵作橙侯複矣凡夫禁用箜篌 火不思即今之琥珀詞也 俗通作坎侯吳乾云漢武滅南粤令樂人 乃于紙上畫兩耳以進上問之對曰但有耳道自然中 拍版本無譜明皇遣黃幡綽造譜 通雅 元志天樂一部有琵琶管 人侯暉造襲發 产

琵琶昭君笑曰渾不似遂訛 後二火不思二胡琴二火不思制如琵琶直頭無品 子今京師有吳撥四土兒密失义兒機等俞琰曰北 宗儀言樂器有秦明琴渾不似曲則有口温舍舍弼 小槽圓腹如半瓶益以皮為面四弦皮絲同 >蓋渾不似之轉語也通考曰琵琶修頭而小曰秦漢 類 即火不思智見今山陕中州皆彈琥珀 宋太宗時三大宴皇帝升座宝 詞其製似 一狐柱 有 陷 鹓

The samp is the same of 荷香夏國腹黄次好揮悲慄悲慄即軍藥國腹即琵琶 **藥比部安國樂有雙屬藥銀字屬藥銀字管也居德宗** 自 名悲栗元美載武夷山古記魏子賽會鄉人於慢亭吕 我曲曲終,尉遲頷頤而已謂麻奴曰何必高般涉也即 河北推為第一手後訪尉遲令於高般涉調中吹勒部 相進酒庭中吹感窠以泉樂和之唐九部塞樂有漆感 取銀字管放般涉中吹之麻奴槐謝未子曰軍藥原 有将尉進青素善厭藥冠絕亡今時幽州有王麻奴 邁雅

鱼员口盾了電 通雅卷三十 卷三十